



Broj: 05-04-20-2989-5/26
Maglaj, 07.07.2026. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-2989-3/26 od 06.07.2026. godine, u postupku javne nabavke „Regulacija korita rijeke Liješnice u MZ Liješnica“, Općinski načelnik donosi

ODLUKU
o izboru najpovoljnijeg ponuđača

I

Prihvata se preporuka Komisije za javne nabavke i ugovor o nabavci radova na regulaciji korita rijeke Liješnice u MZ Liješnica dodjeljuje se ponuđaču „Hajdić“ d.o.o. Maglaj, u skladu sa ponudom broj 42/26 od 02.07.2026. godine, po ukupnoj cijeni od 101.600,00 KM bez PDV-a, odnosno 118.872,00 KM sa uračunatim PDV-om.

II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-2989/26 od 11.06.2026. godine, pokrenut je postupak javne nabavke „Regulacija korita rijeke Liješnice u MZ Liješnica“, putem otvorenog postupka. Predmetna nabavka objavljena je na portalu javnih nabavki, Obavještenje o nabavci broj 1140-1-3-68-3-59/26 od 11.06.2026. godine. Sažetak obavještenja o nabavci objavljen je u „Službenom glasniku BiH“, broj 42/26.

Procijenjena vrijednost nabavke je 128.205,13 KM bez PDV-a, odnosno 150.000,00 KM sa PDV-om. Kriterij za dodjelu ugovora je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-1074/26 od 22.05.2026. godine (u daljem tekstu: Komisija). U toku postupka, Komisija je zaprimila pristigle ponude, izvršila

njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su blagovremeno zaprimljene četiri ponude, prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	„Gradnja-1” d.o.o. Tešanj	Rosulje bb, Tešanj	30.06.2026. 08,10h	6684
2.	„Hajdić” d.o.o. Maglaj	Misurići bb, Maglaj	01.07.2026. 08,11h	6728
3.	„KM-gradnja” d.o.o. Tešanj	Ljetinić br. 2, Tešanj	01.07.2026. 13,20h	6757
4.	Konzorcij „Geo-put” d.o.o. Maglaj i „Mevludin Commerc” d.o.o. Sarajevo	Poljice bb, Maglaj Ul. Zeleni put 39, Ilidža	02.07.2026. 10,54h	6786

Komisija je, prilikom otvaranja ponuda, konstatovala da su zaprimljene ponude prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, kako bi utvrdila da li iste ispunjavaju zahtjeve u pogledu ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom. Komisija je prihvatljivim ocijenila ponude ponuđača „Hajdić” d.o.o. Maglaj i „KM-gradnja” d.o.o. Tešanj, te grupe ponuđača/konzorcija „Geo-put” d.o.o. Maglaj i „Mevludin Commerc” d.o.o. Sarajevo.

Komisija je neprihvatljivom ocijenila ponudu ponuđača „Gradnja-1” d.o.o. Tešanj, zbog neispunjavanja uslova koji se odnose na tehničku i profesionalnu sposobnost. Naime, tačkom 3.4. tenderske dokumentacije je propisano da ponuđač mora dokazati da je *u posljednjih pet godina (računajući od dana objave obavještenja o nabavci) ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od pet godina, uspješno realizovao jedan ili više ugovora koji se odnose na izvođenje radova čišćenja korita rijeka II ranga/reda, a čija ukupna vrijednost je bila minimalno 128.205,13 KM bez PDV-a.* Imenovani ponuđač je u ponudi dostavio Potvrdu Agencije za vodno područje rijeke Save, broj 30-81-89/25 od 12.01.2026. godine, u kojoj se navodi da je uspješno izveo radove na uređenju korita rijeke Bosne u Zavidovićima, te radove na uređenju vodotoka rijeke Bosne kroz Žepče. S obzirom da rijeka Bosna, prema Zakonu o vodama („Službene novine Federacije BiH”, broj 70/06), spada u vodotoke I kategorije, a tenderskom dokumentacijom je izričito traženo iskustvo u izvođenju radova na koritima rijeka II ranga/reda, Komisija nije mogla prihvatiti dostavljenu potvrdu, te je predmetnu ponudu odbacila kao neprihvatljivu.

E-aukcija je održana dana 06.07.2026. godine, s početkom u 09,00 sati. Nakon održane e-aukcije, konačna rang lista u predmetnom postupku je sljedeća:

r/ b	Naziv ponuđača	Cijena / KM bez PDV-a	Cijena / KM sa PDV-om	Procenat snižavanja cijene na aukciji
1.	“Hajdić” d.o.o. Maglaj	101.600,00	118.872,00	20,15%
2.	Konzorcij “Geo-put” d.o.o. Maglaj i “Mevludin Commerc” d.o.o. Sarajevo	102.000,00	119.340,00	20,43%
3.	“KM-gradnja” d.o.o. Tešanj	118.799,00	138.994,83	7,22%

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku radova na regulaciji korita rijeke Liješnice u MZ Liješnica dodijeli ponuđaču „Hajdić” d.o.o. Maglaj. Preporuka je, zajedno sa izvještajem o radu Komisije, dostavljena rukovodiocu ugovornog organa 06.07.2026. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Maid Suljaković

